

Newtbec

NEW WAY OF BEING CHURCH **Hari Minggu Tritunggal Mahakudus**

HARAPAN: PERCAYA, HIDUP DAN MEMBERI

TEMA BULANAN:

**KEBERSAMAAN DALAM
KEADAAN BAIK DAN
TIDAK BAIK**

SEMOGA
MEREKA
MENJADI

SATU...



Hari ini Gereja menarik kita ke dalam misteri Tritunggal Mahakudus. Dogma yang akan tetap menjadi misteri selama-lamanya. Bacaan-bacaan menegaskan kepada kita bahawa semua orang yang dipanggil (dalam Perjanjian Lama) semuanya tertarik ke dalam keluarga Allah, dan pada masa sekarang, begitu juga orang yang dibaptis. Tergolong di dalam keluarga Allah memberi kita hak istimewa untuk memasuki Kerajaan Allah di mana Tritunggal tinggal.

Kerana pembaptisan adalah jalan masuk ke dalam Kerajaan Allah, Yesus memerintahkan kita dengan Perintah Agung, untuk membaptis semua orang atas nama Tritunggal. Adalah menjadi tugas utama kita untuk memberi saksi kepada Kerajaan Allah. Hak istimewa untuk tinggal di dalam Kerajaan, ia datang dengan pengertian bahawa kesempurnaannya akan terwujud apabila Kristus datang kembali. Dia akan memisahkan gandum dan lalang, yang pertama akan dikumpulkan di gudang dan yang terakhir, Dia akan bakar (ruj. Matius 13:30)

Apa lagi yang diajar oleh Misteri Tritunggal? Ia mengajar kita tentang Allah dalam hubungan. Ia mengajar kita tentang cinta sempurna antara Bapa dan Anak yang menghasilkan cinta Roh Kudus yang indah ini. Dan Allah dalam kebaikan-Nya menghendaki semua ciptaan-Nya dikumpulkan dan disatukan sebagai satu dengan-Nya agar kita juga dapat mengalami cinta ini.

Sayangnya, ada ramai yang belum mengalami pemerintahan Kerajaan Allah, untuk mengalami karya Allah Tritunggal yang luar biasa dalam diri kita. Tetapi bagi mereka yang telah melalui pertobatan rohani, satu metanoia, mereka benar-benar telah menjadi putera dan puteri Allah. Mereka menepati kehendak mereka dengan Kehendak Allah, dan mereka menanggapi dorongan Roh Kudus untuk melakukan perkara yang betul.

Allah adalah Allah kebaikan yang hakiki. Dia tidak mudah berputus asa pada kita. Dia terus membentuk dunia, mengutus saksi kepada mereka yang mencari-Nya sehingga lebih ramai orang akan disambut ke dalam Kerajaan. **Kita dipanggil untuk menjadi misionaris murid dan adalah menjadi tugas utama kita untuk menginjil.** Yesus telah meyakinkan kita bahawa Dia akan selalu bersama kita, dan Dia menunjuk kita kepada Penolong, Roh Kudus. ✝

PETIKAN TULISAN
SUCI UNTUK
DIHAFAL:

"Roh itu bersaksi bersama-sama dengan roh kita, bahawa kita adalah anak-anak Allah."

(Rom. 8:16)

AYAT SUCI
MINGGU INI

Ul. 4, 32-34. 39-40;

Maz. 32, 4-6. 9.
18-20. 22;

Rom. 8, 14-17;

Mat. 28, 16-20.